

**Utoqqaat pillugit siunnersuisooqatigiinnik kommunit tamarmik kingusinnerpaamik
ukiakkut ataatsimiinnermi 2027-mi peqalernissaannut Naalakkersuisut inatsimmik
siunnersuuteqarnissaannut peqqunneqarnissaannik Inatsisartut
aalajangiiffigisassaattut siunnersuut**
(Inatsisartunut ilaasortaq Jens NapätôK', Naleraq)
aamma

**Utoqqarnut inatsimmik ataatsimik pilersitsisoqarnissaannik Naalakkersuisut
peqquneqarnissaannik Inatsisartut aalajangiiffigisassaattut siunnersuut**
(Inatsisartunut ilaasortaq Mariane Paviassen Jensen, Inuit Ataqatigiit)

pillugit

Ilaqutariinnermut Peqqissutsimullu Ataatsimiititaliap

Siunnersuutip aappassaaneerneqarneranut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Pipaluk Olsen, formand
Inatsisartunut ilaasortaq Aki-Matilda Høegh-Dam, siulittaasup tullia
Inatsisartunut ilaasortaq Bo Martinsen
Inatsisartunut ilaasortaq Paarma Lund Kreutzmann
Inatsisartunut ilaasortaq Anders Olsen

UKA2025-imi ulloq 15. oktober siullermeerinerup kingorna siunnersuut ataatsimiititaliap
misissorpaa..

Siunnersuutip imarisaa siunertaalu

EM2025/87: Utoqqaat atukkamikkut toqqaannarnerusumik sunniuteqartalernissaat
siunnersuuteqartup siunnersuuteqarnermigut kissaatigaa, aamma kommunini tamani Utoqqaat
pillugit Siunnersuisooqatigiinnik pilersitsinissamut inatsisitigut tunngavissiisoqarnissaa
siunnersuutigineqartumi siunertarineqarluni.

EM2025/93: Utoqqaat tapersersorneqarnissaat pillugu Naalakkersuisut qinigaaffiup siuliani
aalajangiiffigisassatut siunnersuutigisaat saqqummiuteqqitaavoq. Inatsisissatut
siunnersuutigineqartoq qinersinissamik nalunaaruteqartoqannginnerani suliaralugu

naammassinngitsoorneqarpoq,
saqqummiuteqqinneqarluni.

taamaattumillu

siunnersuutigineqartoq

Siunnersuutip Inatsisartunit siullermeerneqarnera

Ataatsimut isigalugu siunnersuutigineqartut tamarmik tapersersorneqarput, immikkoortorlu ataatsimiititaliami sukumiisumik suliarineqartussanngorlugu innersuunneqarluni.

Siullermeerinninnermi allannguutissatut siunnersuummik Naalakkersuisut imaattumik saqqummiussaqaarput:

”Utoqqaat tapersersorneqarnissaat pillugu inatsimmik nutaamik Naalakkersuisut peqquneqassasut 2027-mi Inatsisartut ukiakkut ataatsimiinneranni saqqummiusseqqullugit. Utoqqaat tapersersorneqarnissaat pillugu inatsisissami utoqqaat siunnersuisoqatigiit inatsisiliornermut ilanngullugu suliarineqarsinnaaneranut periarfissap misissorneqarnissaanik Naalakkersuisut peqquneqassasut. Aningaasaqarnikkut kingunerisassai pisariaqartitsinerlu kommunit peqatigalugit naleqqussarneqassapput”.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Inatsisissamik suliaqarnermut aningaasaqarnermut allaffissornikkullu kingunerisassat 500.000 kr.-inik (AC-fuldmægtigip ukiumut akissarsiaanik) naleqarnissaa immikkoortoq 87-imut siunnersuuteqartup missingersorpaa. Tamatumalu saniatigut Utoqqaat pillugit siunnersuisooqatigiivinik pilersitsinissamut kommunini tallimaasuni tamani immikkut 1,2 mio.-t missaannik aningaasartuuteqarnissaq naatsorsuutigineqarluni.

Utoqqaat pillugit inatsimmik iluarsaatamik saqqummiussinissamut aningaasaqarnikkut allaffissornikkullu kingunerisassat 500.000 kr.-inik (AC-fuldmægtigip ukiumut akissarsianik) naleqarnissaa immikkoortoq 93-imut siunnersuuteqartup missingersorpaa.

Allakkatigut apeqqutit

Ataatsimiititaliap siunnersuummik suliarinninnerminut Isumaginninnermut, Suliffeqarnermut, Nunamut Namminermut Avatangiisinullu apeqqutitut assigiinngitsunut akissuteqaqqullugu qinnuigisimavaa. Ataatsimiititaliap apeqqutaasa assilineri aamma Naalakkersuisup akissutaat isumaliutissiisummut matumunnga ilanngussat 1-tut ilanngunneqarput.

Siunnersuummut ataatsimiititaliap oqaaseqaatai

Kommunini ataatsiakkaani utoqqaat pillugit siunnersuisoqatigiinnik pilersitsisoqareersimasoq immikkoortoq 87-imi Naalakkersuisullu akissuteqaataanni allassimavoq. Utoqqaat pillugit siunnersuisoqatigeeqartariaqarnera utoqqaallu oqallittarfeqalernissaat pingaaruteqartut ataatsimiititaliamit paasilluarneqarpoq.

Immikkoortoq 93-imut tunngatillugu Naalakkersuisut allannguutissatut siunnersuuteqarnerminni utoqqaat pillugit inatsisissamut misissorniarneqartoq, aammalu utoqqaat siunnersuisoqatigiivini pilersitsinissaq inatsimmut ilanngunneqarnissaanut periarfissaq kommunit qanimut suleqatigalugit ingerlanneqassasoq, kommuninilu ataatsiakkaani pisariaqartitsineq aallaavigineqassasoq ataatsimiititaliamit aamma maluginiarneqarpoq.

Ataatsimiititaliap inassuteqaatai

- Ataatsimiititaliami amerlanerussuteqartut Demokraatineersut, Inuit Ataqatigiinnersut aammalu Siumumeersut Naalakkersuisut allannguutissatut siunnersuutaata akuerineqarnissaa innersuussutigaa
- Ataatsimiititaliami amerlanerussuteqartut Demokraatineersut, Inuit Ataqatigiinnersut aammalu Siumumeersut suliaq pingaartillugu kommuunillu peqataatillugit suliarineqarnissaa Naalakkersuisunut kaammattuuteqarput, inatsisissatullu siunnersuummik saqqumiussinissap tungaanut ingerlaavartumik ilisimatinneqartarnissani naatsorsuutigalugu
- Ataatsimiititaliami ikinnerussuteqartoq Naleqqameersoq ikinnerussuteqarluni imaattumik oqaaseqaateqarpoq:

“Naleqqap pingaartippaa utoqqaat pillugit siunnersuisoqatigiit ‘misissorneqarnissaa’ taamaallaat anguniarneqassanngitsoq. Taamaattorli misissuinerup anguniagarissagaa kommunit ataani inatsisitigut tunaataqarlutik siunnersuisoqatigiinnik pilersititsisoqassasoq, tassanilu siunnersuisoqatigiinnik inatsisitigut pilersitsiniarnermi kommunit tusarniarneqassasut. Soorluttaaq Naleqqap naatsorsuutigaa utoqqarnut inatsimmik ataatsimik pilersitsisoqarnissaanut suliaqartoqarnerani kinguarsaasoqannginnissaq qulakkeerniarlugu ataatsimiititaliarlu ataavartumik malinnaatinneqarlunilu killiffissiorneqarluni nalunaarfigineqartassasoq”.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Pipaluk Olsen
Siulittaasoq

Aki-Matilda Høegh-Dam
Siulittaasup tullia

Bo Martinsen

Paarma Lund Kreutzmann

Anders Olsen